


## PP-dievnastus ja sierraáhpadibme



Jus duv mánán ij la nuoges ávkke dábálasj áhpadimes, de soajttá sujna I riektá sierraáhpadibmáj. Sierraáhpadibme máhtta buojkulvissan liehket oahppe barggá ietjá oahppoulmij milta gá ietjá oahppe, jut lijgge áhpadiddje jali viehккеáhpadiddje klássa oahppij tjuovvu jali jut oahppe sierra vædtsagijt oadtju. Sierraáhpadibme galggá máná dárbojda hiebaduvvat.

Jus dán jali nágin ietjes guhti mánáv dábddá mårås jut mánán ij la nuoges ávkke áhpadimes, galggá skávllá gæhttjalit duv mánnáj buorebut hiebadit. Jus dat ij la nuoges de hæhttu skávllá ja PP-dievnastus árvustallat ja bagádallat máná dárboj birra, ja skávllá hæhttu ájnegis mærrádusáv mierredit.

PP-dievnastus máhtta fágaj rastá aktan barggat bájkálasj dásen, degu varresvuohtadievnastusájn jali mánájsuodjalusájn, ja stáhta dásen degu Statpedajn jali Mánáj- ja nuorajpsykiatrijajn (BUP). PP-dievnastusán la sjávodisvuohtavælggogisvuohta.

### **PEDAGOGALASJ-PSYKOLOGALASJ DIEVNASTUS (PP-DIEVNASTUS)**

Dievnastus mij rádiijt vaddá skávllájda, suohkanijda ja fylkkasuohkanijda gáktu hiebadit mánájda, nuorajda ja állessjattugijda gejn li sierralágásj dárbo.

### **ÁSSJEDIEHTTE ÁRVUSTALLAM**

Dokumænnta PP-dievnastusás mij vuoset jus mánná sierraáhpadimev dárba, ja mij oajvvat makkir fálaldagá mánná, æjgáda jali mánáigárdde birriji oadtjot.

### **ÁJNEGIS MÆRRÁDUS**

Girje skávlås mij subtsas jus duv mánán la riektá sierraáhpadibmáj jali ij, ja gáktu viehкке galggá liehket. Besa ájnegis mærrádusáv gujttit.

### **INDIVIDUÁLA ÁHPADIMPLÁDNA (IÁP)**

IÁP galggá vuosedit sierraáhpadime ulmijt ja sisanov ja la barggonævvon áhpadiddijda

---

## Majt máhtáv skávlås vuorddet?

### *Skávllå galggá*

- gáhttit jut gájkka la mánnáj buorren
- duv oassálasstet ja dujsta gatjádít ávddål mierredi juojddáv duv máná birra
- mánájn ja æjgádij ságastit, ja máná kárttit dárbo milta
- gáhttjot PP-dievnastusáv ássjediehte árvustallamav dahkat jus dav ánoda, ja jus skávlå mielas máná siirrapedagogalasj viehkev dárba
- ájnégis mærrádusáv mierredit mij javllå jus mánná galggá sierraåhpádimev oadtjot jali ij, ja gávvidit gáktu åhpádibme galggá liehket
- mánnáj sierraåhpádimev vaddet navti gáktu la ájnégis mærrádusán ja IÅP:an gávviduvvam
- dahkat tjålalasj rapportav sierraåhpádime birra ja máná ávddánahttema birra akti jahkáj
- bærráigæhttjat jut dán ja duv mánná oadtjobihtte diehtet mij árvustallam karakteraj ja daj dagi nuorajskávlån merkaj, ávddål mierredihppe.

## Majt máhtáv dahkat?

### *Dån gut la æjgát*

- máhtá gájbbedit skávllå galggá guoradallat jus duv mánná sierraåhpádimev dárba
- ságastallat duv juorrulime birra PP-dievnastusájn ja skávlájn ávddål vuoseduvvá
- galga oasev válldet ja guorrasit ávddål skávllå PP-dievnastusáv gáhttju duv mánáv guoradallat ja árvustallat
- galga oasev válldet ja guorrasit ávddål skávllå mierret sierraåhpádimev duv mánnáj vaddet
- galga akti jahkáj tjålalasj diedádusáv oadtjot máná sierraåhpádime birra ja árvustallamav máná ávddánahttema birra
- besa gujttit jus mánná ij sierraåhpádimev oattjo
- besa gujttit sierraåhpádime sisanov, tjadádimev ja organiserimav
- besa mierredit jus duv mánná galggá árvustaláduvvat karakteraj dagi nuorajskávlån daj fágajn gánnå oadtju sierraåhpádimev

